

"ERABILERA PUBLIKOKOAK" DIREN ESPAZIO PRIBATUAK BERRITZEKO/BERRURBANIZATZEKO DIRULAGUNTZAK

AURKIBIDEA/EDUKIA

ZIOEN AZALPENA.....	2
1. ARTIKULUA. XEDEA.....	3
2. ARTIKULUA. ARAUBIDE JURIDIKOA.....	3
3. ARTIKULUA. BERRURBANIZATU BEHARREKO ESPAZIOAK: BETE BEHAR DITUZTEN BALDINTZAK.....	3
4. ARTIKULUA. ONURADUNAK: NORK ESKA DEZAKEEN DIRULAGUNTZA	3
5. ARTIKULUA. ONURADUNAK: BETEBEHARRAK	4
6. ARTIKULUA. AURREKONTU-ZUZKIDURA	4
7. ARTIKULUA. DIRUZ LAGUNDU DAITEZKEEN JARDUKETAK ETA LAGUNTZA EKONOMIKOEN ZENBATEKOA	4
8. ARTIKULUA. DIRULAGUNTZA JASO AHALKO DUTEN GASTUAK.....	5
9. ARTIKULUA. DIRUZ LAGUNDU DAITEZKEEN OBREN BETEKIZUNAK	6
10. ARTIKULUA. BESTE DIRULAGUNTZA BATZUEKIKO BATERAGARRITASUNA.....	6
11. ARTIKULUA. ESKAERAK. AURKEZTU BEHARREKO DOKUMENTAZIOA.....	6
12. ARTIKULUA. ESKAERAK. AURKEZTEKO MODUA ETA EPEAK	7
13. ARTIKULUA. IZAPIDETZEA ETA EBAZTEA.....	8
14. ARTIKULUA. LAGUNTZAREN ORDAINKETA.....	8
15. ARTIKULUA. EMANDAKO DIRULAGUNTZEN PUBLIZITATEA.....	8
HIRI PLANGINTZAKO, PROIEKTU ESTRATEGIKOETAKO ETA ESPAZIO PUBLIKOKO SAILA	9

ZIOEN AZALPENA

Hirietako bizi-kalitateak lotura estua du haien espazio publikoekin, biztanleen arteko bizikidetzarako eta harremanetarako, aisialdirako, sozializaziorako, paseorako eta kultura-adierazpenerako toki diren aldetik; azken batean, gozamen kolektiborako leku diren aldetik.

Bilbo eremu libreen eta berdeguneen eskaintza zabala duen hiri bat da. Duela urte batzuetatik hona, Bilboko Udalak horrelako espazioak hobetzeko erronkari ekin dio. Horretarako, besteak beste, laguntzak eman dizkie hainbat jabe-erkidegori, haiek erabilera publikoko espazio pribatuetan sustatutako berrurbanizazio-obrak finantzatzeko; izan ere, halako espazioek, herritar guztiek erabiltzen dituztenez gero, higadura edo kalte handiagoak jasaten dituzte.

Gainera, duela urte asko eraikitako auzoen, kaleen eta espazioen (zeinak bizilagunek mantentzen dituzten) eta hiri-kalitate egokiko irizpideak aplikatzen eta eskatzen dituzten urbanizazio berrien arteko kontrastea gero eta handiagoa da; horrenbestez, ingurune guztietako hiri-kalitatearen irudia harmonizatu behar da.

Indarrean dagoen Hiri Antolamenduko Plan Orokorrak bere memorian jasotzen duenez (14. apartatua. Jabari eta zortasunen baldintzak), hiri-ingurunean kokatutako titulartasun pribatuko lurzati eta lursailen gainean erabilera publikoko zortasunak zehaztu daitezke baldin eta beren ezaugarriak eta baldintzak direla-eta titulartasun pribatua izaten jarraitu behar badute eta kokatuta dauden hiri-ingurunean funtzio publiko bat badute. Besteak beste, plaza edo egonleku gisa erabili beharreko espazioak direlako, edo udalerriko edota beren hiri-ingurune oinezkoen, bizikleten, ibilgailuen eta abarren erabilera publikoko mugikortasun-sareen parte diren edo izan behar diren kaleak, eskailerak eta antzekoak direlako.

HAPOaren Hirigintza Arau Orokorren 9.1.c artikulua honela definitzen du erabilera publikoa:

"titulartasun publiko edo pribatuko ondasunetan (lursailak, eraikinak...) garatzen den erabilera, baldin eta, azken kasu horretan, erabilera publiko hori hirigintza-plangintzan aurreikusita badago, dagokion zortasuna edo aurreikuspen egokia zehaztuta, eta dokumentazio grafikoan edo planoan berariaz adierazita badago. Nolanahi ere, aurreikuspen hori ondasun pribatuaren gainean erabilera publikoa formalizatzearekin osatu behar da, indarrean dauden legezko xedapenetan ezarritakoaren arabera".

Aipatutako zortasunak ukitzen dituen lursail eta espazioak "HAPOaren "4. Planoak" dokumentuko "VI.3. Jabari-baldintzak ("m")" planoan edo, hala badagokio, plangintza orokorra garatzeko plangintza-tresnetan zehaztutakoak dira.

Erabilera komuneke gune pribatuen eraikuntza- eta kontserbazio-egoera hobetzeko, dirulaguntzak emateko oinarri arautzaile hauek idatzi dira. Oinarri horiek kudeatzeko, kontuan hartuko dira Dirulaguntzei buruzko azaroaren 17ko 38/2003 Lege Orokorren 8.3 artikuluan jasotako printzipioak (publikotasuna, gardentasuna, lehia, objektibotasuna, berdintasuna eta diskriminaziorik eza), bai eta Administrazioak ezarritako helburuak betetzeko eraginkortasuna eta baliabide publikoak esleitzeko eta erabiltzeko efizientzia ere.

Toki Araubidearen Oinarriak arautzen dituen apirilaren 2ko 7/1985 Legearen 25. artikulua arabera, *"Udalerriak, bere interesak kudeatzeko eta bere eskumenen*

esparruan, auzo-erkidegoaren beharrak eta nahiak betetzen lagundu dezaketen jarduerak bultzatu eta nahi adina zerbitzu publiko egin ditzake". Beraz, ez dago jarduera horiek sustatzeko eragozpenik.

1. ARTIKULUA. XEDEA

Deialdi honen xedea da hiriko espazio pribatuak berritzeko/berrurbanizatzeko dirulaguntzak ematea, baldin eta "erabilera publikoko"tzat jotzen badira une bakoitzean indarrean dagoen hirigintza-plangintzako zehaztapenen, onetsitako hirigintza-kudeaketako dokumentuen edo eraikuntza-lizentzien arabera.

Zortasun horren eraginpeko lursail eta espazioak "HAPOaren "4. Planoak" dokumentuko "VI.3. Jabari-baldintzak ("m")" planoan edo, hala badagokio, plangintza orokorra garatzeko plangintzako tresnetan adierazitakoak dira.

Oinarri hauekin araututako zuzeneko laguntzak itzuli beharrik gabeko dirulaguntzak dira.

2. ARTIKULUA. ARAUBIDE JURIDIKOA

Honako lege eta arau hauen bitartez arautuko dira deialdiko dirulaguntzak: azaroaren 17ko Dirulaguntzen 38/2003 Legearen bitartez, hura garatzen duen Araudiaren bitartez –uztailaren 21eko 887/2006 Errege Dekretuaren bitartez onartua— eta Bilboko Udalak eta zuzenbide publikoko barneko organismoek eta erakundeek deitutako dirulaguntzak emateko Oinarri arautzailearen bitartez. Azken horiek 2016ko ekainaren 30eko Udalbatzaren Akordioaren ondoriozko Ordenantza orokorretan onartu dira, eta 2016ko uztailaren 20ko 138. Bizkaiko Aldizkari Ofizialean argitaratu.

3. ARTIKULUA. BERRURBANIZATU BEHARREKO ESPAZIOAK: Bete behar dituzten baldintzak

1.- Berritzeko edo berrurbanizatzeko jarduketak egiteko dirulaguntzak jaso ditzaketen espazioek honako **baldintza** hauek bete beharko dituzte:

- a) Indarrean dagoen hiri-plangintzak, onartutako kudeaketa-dokumentuek eta/edo eraikuntza-lizentziek espazioa erabilera publikoko elementu pribatu gisa kalifikatzea eta jabetzak haiek mantentzeko beharrezana izatea.
- b) Espazioaren egoera dela-eta, obrak beharrezkoak izatea.
- c) Arkupeak direnean, jarduketak diruz lagundu ahal izateko, osorik tratatu beharko dira kota berean dauden espazioak. Ez da dirulaguntzarik emango arkupeak eta antzeko elementuak ixteko.

4. ARTIKULUA. ONURADUNAK: Nork eska dezakeen dirulaguntza

1.- Pertsona fisiko edo juridikoak eta legearen arabera eratutako jabeen erkidegoak **eskatu ahal izango dute**, baldin eta erabilera publikoko espazio pribatuen titularrak badira eta espazio horiek berritzeko edo berrurbanizatzeko jarduketak egiten badituzte.

2.- **Ezingo dira** onuradun izan Dirulaguntzei buruzko azaroaren 17ko 38/2003 Lege Orokorraren 13. artikuluko 2. eta 3. apartatuetan ezarritako debekuren bat dutenak.

5. ARTIKULUA. ONURADUNAK: Betebeharrak

Dirulaguntzen onuradunek Dirulaguntzei buruzko azaroaren 17ko 38/2003 Lege Orokorraren 14. artikuluan ezarritako betebeharrak bete beharko dituzte.

Dirulaguntza emateko ebazpen-proposamena eman aurretik, onuradunak egiaztatu behar du ez daukala zorrik zergen arloan eta Gizarte Segurantzarekin.

Laguntza emateak berekin dakar onuradunek aitortzea jarduketa egingo den eremuan erabilera publikoko zortasuna eratu dela, eta ondasun eta eskubideen udal-inbentarioan hala jasotzea. Era horretan, hasiera emango zaio hura kudeaketa-prozedurari.

Jabe-erkidegoak bat baino gehiago badira, obren sustatzaileak mankomunitate bat eratu beharko dute edo idazki bat aurkeztu beharko dute, parte hartzen duten erkidegoen ordezkari egiaztatu guztiek sinatua, zeinetan zehaztuko baitute obren kostuetan jabe-erkidego bakoitzaren partaidetzaren ehunekoa zein den.

6. ARTIKULUA. AURREKONTU-ZUZKIDURA

1.- Deialdiko dirulaguntzak **2026ko** ekitaldirako onetsitako Bilboko Udalaren aurrekontuko **2026/00076** PEPari lotutako 41010 15331 78099 APGaren kontura finantzatuko dira.

2.- Deialdi honetara bideratutako zenbatekoa **EHUN ETA BERROGEITA HAMAR MILA ETA BERROGEITA HAMABOST EURO (150.055€)** da.

3.- Diru-zuzkidura hori amaitutakoan, ez da laguntza gehiago emango harik eta aurrekontuan beste diru-zuzkidura bat baimendu arte; Bilboko Udalaren webgunean emango da horren berri, egotekotan.

4.- Aurrekontu-zuzkidura handitu ahal izango da, aurkeztutako eskabideak ikusita, deialdi berririk egin gabe.

7. ARTIKULUA. DIRUZ LAGUNDU DAITEZKEEN JARDUKETAK ETA LAGUNTZA EKONOMIKOEN ZENBATEKOA

1.- Dirulaguntzak jaso ditzakete erabilera publikoko espazio pribatibo horiek berritzea/berrurbanizatzea helburu duten jarduketek.

Deialdi honen ondorioetarako, berrurbanizatzetzat hartuko da lehendik dagoen urbanizazioaren bigarren edo ondorengo urbanizazioak edo hobekuntzak.

2.- Ez dira diruz lagunduko erabilera publikoko espazio osoaren zolatzeko partzialak, hiri-altzarien, loreen eta zuhaitzen banakako ordezkapenak, edo lehendik dauden azpiegituren jarduketa partzialak.

Era berean, kanpoan geratzen dira erabilera, gozamen edo aprobetxamendu pribatiboetarako atxikitako lurzoru, espazio edo elementuei dagozkien jarduketak (osorik edo zati batean), bai jabearenak, bai hirugarrenenak.

3.- Sotoen edo baliokideen estalki pribatiboaren gaineko espazioetan, haien eta mortero babeslearen geruzaren edo hesi iragazgaitzaren antzeko eraikuntza-elementuaren arteko eraikuntza-zatia bakarrik hartuko da pribatibotzat. Ondorioz, espazio pribatuaren gainetik kokatutako zoladuran, argiterian, lorategietan eta hiri-altzarietan esku hartzea

xede duten aurrekontu-kontzeptuak soilik hartuko dira kontuan proiektuan. Iragazgaiztetik gainazalerainoko eraikuntza-elementuak baino ez dira diruz lagunduko (iragazgaitza kanpoan geratzen da).

4.- Laguntza ekonomikoa emango zaie gainazala zolatzeko edo birgaitzeko obrei, behar bezala indibidualizatuta badaude, hau da, sestra gainetik zein azpitik igarotzen diren obrak azaltzen badira proiektuan. Kasu horretan, partidak behar bezala banakatuta aurkeztu beharko dira, diruz lagundu daitekeen zenbatekoa zein den zehazteko.

5.- Proiektatutako jarduketak erabilera publikoko espazioan zein erabilera pribatiboko espazioan inbertitzea aurreikusten badu, lehenengoari dagozkion kontzeptuak soilik hartuko dira kontuan. Ondorio horietarako, kanpoan utziko dira lokal pribatiboak edo haien edozein elementu (sarbideak, hormak, egitura, euri-uren bilketa, forjatuak, isolamenduak, iragazgaizteak, zati pribatiboen drainadurak, eta abar) konpontzea, berritzea, indartzea edo berritzea helburu duten obrak.

6.- Laguntza ekonomikoa itzuli beharrik gabeko dirulaguntza bat izango da, diruz lagundu daitekeen aurrekontuaren % 30ekoa.

Diruz lagundu daitekeen aurrekontuak ezin izango du inola ere gaintitu 120 €/m²-ko zenbatekoa (BEZik gabe) HAPOaren "4. Planoak" dokumentuko "VI.3. Jabari-baldintzak ("m")" planoan edo, hala badagokio, plangintza garatzeko plangintza-tresnetan islatutako eraginpeko erabilera publikoko azalera osorako.

Laguntza, gehienez ere, 150.055 eurokoa izango da.

8. ARTIKULUA. DIRULAGUNTZA JASO AHALKO DUTEN GASTUAK

1.- Diruz lagundu daitekeen gastutzat hartuko da jarduketaren kostu erreala, barnean hartuta xede hau duen obraren kostua: konpontzea, berritzea, espazioak txukuntzea, segurtasunik gabeko puntuak kentzea (ispiluak jarritz, argiztapena instalatuz edo beste eraginkorrago batzuekin ordeztuz, espazioak ixtea izan ezik, etab.).

Ondorioz, espazio pribatuen gainetik kokatutako zoladuran, argiterian, lorategietan eta hiri-altzarietan esku hartzea xede duten aurrekontu-kontzeptuak soilik hartuko dira kontuan proiektuan.

2.- Proiektuak idazteari eta obrak zuzentzeari dagozkien zenbatekoak ere joko dira diruz laguntzeko zenbatekotzat.

Horrez gain, aintzat hartuko dira diruz lagundu daitekeen jarduketagatik ordaindutako tasak, zergak eta bestelako prezio publikoak, eta balio erantsiaren gaineko zergaren zenbatekoa, baldin eta onuradunek berau jasan badute eta ezin badiete hirugarrenei jasanarazi.

3.- Egin beharreko obren xedea jarduketa bat baino gehiago denean, deialdi honetan ezarritakoaren arabera diruz laguntzeko modukotzat jotzen den proiektuaren, zuzendaritzaren edo jarduketaren zatia baino ez da diruz lagunduko. Horretarako, behar bezala banakatutako aurrekontua/faktura aurkeztu beharko da.

Diruz lagundu daitekeen benetako kostua zehazteko, obra-zuzendaritzak, hala eskatzen zaionean, diruz lagundu daitezkeen jarduketak jasotzen dituen ziurtagiria egingo du.

Diruz lagundu daitekeen aurrekontuak ezin izango du inola ere gaintitu 120 €/m²-ko zenbatekoa (BEZik gabe) HAPOaren "4. Planoak" dokumentuko "VI.3. Jabari-baldintzak

("m")" planoan edo, hala badagokio, plangintza garatzeko plangintza-tresnetan islatutako eraginpeko erabilera publikoko azalera osorako.

9. ARTIKULUA. DIRUZ LAGUNDU DAITEZKEEN OBREN BETEKIZUNAK

1.- Egindako obrek interes publikokoak izan behar dute, eta Udaleko sail eskudunak (Obra Publikoetako eta Zerbitzuetako Saila) adierazi beharko du ados dagoela eremu horiek urbanizatzeko irizpideekin.

2.- Deialdi honetan aurreikusitako laguntza ekonomikoak jaso ahal izateko, beharrezkoa izango da obrek, hala badagokie, Udalaren nahitaezko obra-lizentzia edo -baimena izatea, amaituta egotea, obren amaierako ziurtagiria (ikus-onetsia, hala badagokio) eta likidazioa aurkeztea (aurkezteko eskatzen den kasuetan) eta Udalaren oniritzia izatea.

3.- Fakturak edo amaierako likidazioak **2023ko urtarrilaren 1a baino lehenagokoak** badira, dirulaguntza hauek ezin izango dira obra horietarako eman.

10. artikulua. BESTE DIRULAGUNTZA BATZUEKIKO BATERAGARRITASUNA

1.- Laguntza hauek **bateragarriak izango dira** nazio-mailako, Europar Batasuneko edo nazioarteko organismoetako edozein erakunde publikok edo pribatuk edo edozein administraziok helburu bererako emandako beste diru-laguntza, laguntza, diru-sarrera edo baliabide batzuekin.

Esleitutako dirulaguntzaren zenbatekoak ezin izango du inolaz ere gaintitu diruz lagundutako jardunaren kostua, ez berak bakarrik, ez beste dirulaguntza, laguntza, diru-sarrera edo baliabide batzuekin batera.

2.- Hala ere, dirulaguntza hauek **bateraezinak izango dira** Bilboko Udaleko beste sail edo entitate batzuek helburu bererako edo arkitektura-oztopoak kentzeko ematen dituzten dirulaguntza, laguntza, diru-sarrera edo baliabideekin.

11. ARTIKULUA. ESKAERAK. Aurkeztu beharreko dokumentazioa.

1.- **AURKEZTU BEHARREKO DOKUMENTAZIOA:** Laguntzak eskuratu nahi dituzten pertsona fisiko edo juridikoek obra amaitutakoan aurkeztu beharko dute eskabidea, eta honako dokumentu hauek erantsi beharko dituzte:

- a) **I. eranskina:** erantzukizunpeko adierazpena, zeinaren bidez ziurtatuko baitu ez duela Dirulaguntzei buruzko azaroaren 17ko 38/2003 Lege Orokorrak 13. artikuluan onuradun izateko ezarritako debekurik.
- b) **I. eranskina:** Udalari nork bere borondatez emandako baimena, zerga-betebeharrak eta Gizarte Segurantzako betebeharrak beteta edukitzeari buruzko datuak jasotzeko. I. eranskina.
- c) **II. eranskina. "Hartzekodunen fitxa"**. Interesdunak lehenago Bilboko Udalaren inolako dirulaguntzarik jaso ez badu eta Hartzekodunen Erregistroan izena emanda ez badago bakarrik aurkeztu beharko da. Eranskin hori behar bezala beteta, honako hauek erantsi behar dira:
 - a. bankuko kontuaren titulartasuna egiaztatzen duen agiria.
 - b. pertsona juridikoen kasuan, ordezkariaren NANaren eta ahalordearen kopia.
- d) Aurreko baimena aurkezten ez bada edo Udalarentzat ezinezkoa bada haiek lortzea: **Ogasunarekiko eta Gizarte Segurantzarekiko** betebeharrak egunean

dituela egiaztatzen duten **ziurtagiriak**, gehienez ere 6 hilabete lehenago administrazio horiek emandakoak.

- e) Onuradunen erantzukizunpeko adierazpena, zeinaren bidez espresuki aitortuko baitute jarduera-eremuaren gainean erabilera publikoko zortasuna ezarri dela; hala badagokio, jabeen erkidegoen baliozko akordioa jasoko da.
- f) **Diruz lagun daitekeen jarduketa egin izanaren justifikazioa.** Dirulaguntza eman aurretik aurkeztuko da, justifikazioko kontu moduan. Diruz lagundutako jardueraren eta onuradunen ezaugarrien arabera, justifikazioko kontuak honako hauek edukiko ditu:
 - obren amaierako ziurtagiria (ikus-onetsia, hala badagokio) eta likidazioa, lehenago eskatu ez bada eta administrazio honi aurkeztu ez bazaio.
 - obren, instalazioen eta ordainsari teknikoaren fakturen jatorrizkoak.
 - urbanizatu beharreko espazio pribatuaren argazki-erreportajea.

Dokumentazio hori kontzeptuen arabera banakatuta egongo da, dirulaguntzaren xede den aurrekontua espresuki egiaztaturik gera dadin.

Jatorrizko dokumentuak, prozedura amaitu ondoren, interesdunari itzuliko zaizkio.

g) Obrak sustatzen dituzten erkidegoek mankomunitate bat osatzen ez badute, obren kostuetan jabe-erkidego bakoitzaren partaidetzaren ehunekoa zein den zehaztuko duen idazki/dokumentu bat, obretan parte hartu duten jabe-erkidegoen ordezkari egiaztatu guztiek sinatua.

2.- Eskabidea behar bezala beteta ez badago, edo aipatutako datu edo agirietakoren bat falta bada, eskatzaileari errekerimendua egingo zaio akatsak zuzendu ditzan hamar egun balioduneko epean, eta ohartaraziko zaio ezen, hala egiten ez badu, eskaera artxibatu egingo dela, beste izapiderik gabe.

12. ARTIKULUA. ESKAERAK. Aurkezteko modua eta epeak

1.- Eskaerak honela aurkeztu ahal izango dira:

- **EGOITZA ELEKTRONIKOAn**, Udalaren webgunearen bidez. (**Jabe-erkidegoen**/mankomunitatearen kasuan, eskatzailearen IFZa jabeen erkidegoarena/mankomunitatearena izango da)
- Udal bulegoetan, **HITZORDUA ESKATUTA**:
 - Hiri Plangintzako Zuzendaritzako erregistroa (San Agustin eraikina – Ernesto Erkoreka plaza 12).
 - Barrutietako udaltegietako erregistroak.

Era berean, Administrazio Publikoen Administrazio Prozedura Erkidearen urriaren 1eko 39/2015 Legearen 16. artikuluan aurreikusitako edozein modutan bidali ahal izango da.

2.- EPEA: Eskaerak aurkezteko epea deialdiaren laburpena Bizkaiko Aldizkari Ofizialean argitaratu eta hurrengo egunean hasiko da, **eta 2026ko urriaren 30ean amaitu.**

Informazioa udalaren webgunean ere egongo da eskuragarri: [www.bilbao.eus/HiriPlangintzako, Proiektu Estrategikoetako eta Espazio Publikoko Saila](http://www.bilbao.eus/HiriPlangintzako_ProiektuEstrategikoetakoEtaEspazioPublikokoSaila)

13. ARTIKULUA. IZAPIDETZEA ETA EBAZTEA

1.- Dirulaguntzen deialdi honetara bideratutako aurrekontu-kreditua 7. artikuluan ezarritako laguntzen zenbatekoetan banatuko da deialdi honetan ezarritako baldintzak betetzen dituztela egiaztatzen duten pertsona edo erakundeen alde, eta aurrekontu-zuzkidura agortzen ez den bitartean egongo da irekita aukera hori.

Laguntzak emateko orduan, obren amaierako ziurtagiriaren (ikus-onetsia, hala badagokio) data hartuko da kontuan lehentasun-ordena ezartzeko.

2.- Hiri Plangintzako, Proiektu Estrategikoetako eta Espazio Publikoko Saileko Aurrekontuetako, Kontratazioko eta Informatizazioko Sekzioa izango da prozedura izapidetzeko organo eskuduna. Hark egingo du ebazpen-proposamena, honako hauek egiaztatu eta gero:

- udal ikuskaritzak txostena egin duela eta, bertan, adierazi duela diruz lagundu daitezkeen obrak behar bezala egin direla.
- onuradunak ez daukala zorrik zergaren alorrean eta Gizarte Segurantzari, eta ez duela zerga edo zehapenen zorrik Udalarekin derrigorrezko aldian (salbu eta horiek geroratuta edo zatikatuta badaude, edo betearazpena geldiarazita badago).

3.- Gobernu Batzarrak edo hark eskuordetutakoak ebatziko du prozedurari buruz.

Eskaera ebazteko eta interesdunei jakinarazteko gehieneko epea lau hilabetekoa izango da, eskabidea forma egokian aurkeztu denetik hasita, eta deialdiaren laburpena argitaratu eta gero.

Eskaera ebazteko eta jakinarazteko gehieneko epea igarotakoan, eskaera administrazio-isiltasunez ezetsi dela ulertu ahal izango da.

Eskatutako dirulaguntza ematea erabakitzen edo ukatzen duen ebazpenak amaiera ematen dio administrazio-bideari.

Ebazpenaren aurka, aukerako berraztertze errekurtsoa aurkeztu ahal izangozaio ebazpena eman duen organoari, hilabeteko epean, jakinarazpena egiten denetik aurrera; bestela, administrazioarekiko auzi-errekurtsoa aurkeztu daiteke dagokion administrazioarekiko auzien epaitegian, bi hilabeteko epean, jakinarazpena egiten denetik aurrera.

4.- Izapideak egiteko eta prozedura ebazteko egintzen jakinarazpena jakinarazpen pertsonalaren bidez egingo da.

14. ARTIKULUA. LAGUNTZAREN ORDAINKETA

Hiri Plangintzako, Proiektu Estrategikoetako eta Espazio Publikoko Saileko eskuordetzak ebazpena emango du emandako dirulaguntza ordaintzeko. Ebazpen hori onuradunari jakinaraziko zaio, udal honetako Hartzekodunen Erregistroan bere izenean dagoen banku-kontuan dirua sartuz.

15. ARTIKULUA. EMANDAKO DIRULAGUNTZEN PUBLIZITATEA

Emandako dirulaguntza guztiak Dirulaguntzen Datu Base Nazionalean eta udalaren webgunean argitaratuko dira.

Bilbon, 2026ko ekainaren 24n.

Hiri Plangintzako, Proiektu Estrategikoetako eta Espazio Publikoko Saila

I. ERANSKINA

ERANTZUKIZUNPEKO ADIERAZPENA ETA BORONDATEZKO BAIMENA

Ordez kariaren datu pertsonalak Datos de la persona representante	
Izen-abizenak Nombre y apellidos	
NANa edo IFZa DNI o NIF	

Jabe-erkidegoaren/mankomunitatearen datuak (utzi bete gabe, baldin eta ez badu ezein erkidego ordezkatzan) Datos de la Comunidad propietaria/mancomunidad (dejar en blanco, si no representa a ninguna Comunidad)	
Jabe-erkidegoaren/mankomunitatearen izena Nombre de la Comunidad/mancomunidad	
IFZa NIF	

- **ADIERAZTEN DUT** laguntza hartuko duen pertsona fisikoak edo juridikoak ez duela Dirulaguntzen Lege Orokorraren 13. artikulua ezartzen dituen debekuetako bat ere.
- **Udalak** egiaztatuko du zerga-betebeharren eta Gizarte Segurantzarekiko ordainketa egunean duela, eta eskaera izapidetzeko beharrezkoa den eta Udalaren eta beste edozein administrazioaren esku dagoen informazio guztia bilduko du.

Baimenik ematen EZ badu, hau egin beharko du:

- Foru Ogasunaren eta Gizarte Segurantzaren Diruzaintza Orokorraren ziurtagiriak eta behar den gainerako dokumentazioa aurkeztea.
- eta lauki hau betetzea:

☐ **EZ DUT BAIMENIK EMATEN ZERGA-BETEBEHARREN ETA GIZARTE SEGURANTZAREKIKOEN ORDAINKETA EGUNEAN IZATEAREN ZIURTAGIRIAK ETA Udalaren edo beste edozein administrazioaren esku dauden gainerako dokumentu eta informazio guztiak ESKURATZEKO.**

- **DECLARO** que la persona física o jurídica destinataria de la ayuda no se encuentra incurso en ninguna de las prohibiciones que recoge el artículo 13 de la Ley General de Subvenciones.
- El Ayuntamiento verificará que está al corriente del pago de sus obligaciones fiscales y de Seguridad Social y recabará toda la información que está en poder del Ayuntamiento y otra Administración que sea necesaria para tramitar la solicitud.

Si NO lo autoriza deberá:

- aportar los certificados de Hacienda Foral y de la Tesorería General de la Seguridad Social así como el resto de documentación necesaria.
- y marcar la siguiente casilla:

☐ **NO AUTORIZO A CONSEGUIR LOS CERTIFICADOS DE ESTAR AL CORRIENTE DEL PAGO DE SUS OBLIGACIONES FISCALES Y DE SEGURIDAD SOCIAL**, así como el resto de documentación e información necesaria que está en poder de Ayuntamiento u otra Administración.

Bilbon, 20___(e)ko ___(a)ren ___(e)(a)n
Bilbao, ___ de ___ de 20__

Sinadura / Firma:

II.ERANSKINA

HARTZEKODUNEN FITXA / FICHA ACREEDORES/AS

Kontuhartzailatza Nagusiaren Zerbitzua / Servicio de Intervención General

IFZa- IFKa-Pasaportea/NIF-CIF-Pasaporte Klikatu hemen, testua idazteko.		Izen-abizenak-Sozietate-izena/Nombre y Apellidos – Denominación Social Klikatu hemen, testua idazteko.	
Helbidea (herrialdea —hala badagokio—, probintzia, udalerrria, kalea, blokea, ataria, solairua eta eskua) Datos Localización (País – en su caso-, provincia, municipio, calle, bloque, portal, piso y mano) Klikatu hemen, testua idazteko.			
Posta-kodea /Código Postal Klikatu hemen, testua idazteko.	1. telefonoa /Teléfono 1 Klikatu hemen, testua idazteko.	2. telefonoa /Teléfono 2 Klikatu hemen, testua idazteko.	Helbide elektronikoa/E-mail Klikatu hemen, testua idazteko.
EJZko epigrafea / Epígrafe I.A.E. Klikatu hemen, testua idazteko.	Profesionalak-Artistak: Jardueraren hasiera-data / Profesionales – Artistas: Fecha inicio actividad Klikatu hemen, testua idazteko.		
Bankuko datuak / Datos Bancarios IBAN Klikatu hemen, testua idazteko.			SWIFT (BIC) Klikatu hemen, testua idazteko.

DATA / FECHA: Klikatu hemen, data idazteko.

SINADURA / FIRMA:

(Izena eta abizen bi)/

(Nombre y dos apellidos) Klikatu hemen, testua idazteko.

Kargua / Cargo: Klikatu hemen, testua idazteko.

Fitxa hau **pertsona baimendu batek** bete eta **sinatu** behar du eta, fitxarekin batera, **dokumentu hauek** aurkeztu behar ditu:

- IFKaren/IFZaren/pasaportearen kopia.
- Pertsona juridikoen kasuan, ordezkariaren **NANaren** eta **ahalordearen** kopia
- **Ekonomia-jardueren gaineko zergan alta emanda egotearen ziurtagiria** (udalari faktura egin behar bazaio)
- **Banku-kontuaren titulartasunaren ziurtagiria** edo, halakorik ezean, kontu horren titulartasuna egiaztatzen duen beste edozein dokumentu

Fitxa eta eskatutako dokumentazioa behar den dokumentu-euskarria izango dira hartzekodunari HARTZEKODUNEN UDAL-ERREGISTROAN alta emateko, eta helbide honetan aurkeztu ahal izango dira:

BILBOKO UDALA
KONTABILITATEA
Venezuela plaza 2- 2. solairua
48001 BILBO
Tel.: 94 420 46 89

Helbide elektronikoa: contabilidad@bilbao.eus

Bide beretik baliatu ahal izango dira erregistro horretan jasotako datu pertsonalak irispidean izateko, zuzentzeko, ezerezteko nahiz tratamenduaren aurka egiteko eskubideak.

Esta ficha debe ser cumplimentada y **firmada** por **persona autorizada** y debe acompañarse de la siguiente **documentación**:

- Copia de CIF/NIF/Pasaporte
- En el caso de personas jurídicas copia del DNI y poderes de su representante
- **Certificado alta Impuesto de Actividades Económicas** (si se va a emitir factura al Ayuntamiento)
- **Certificado de la titularidad de la cuenta bancaria** o, en su defecto, cualquier otro documento que acredite la titularidad de la misma

La ficha, junto con la documentación requerida, constituirá el soporte documental en base al cual se dará de alta al acreedor/a en el REGISTRO MUNICIPAL DE ACREEDORES/AS y puede entregarse en la siguiente dirección:

AYUNTAMIENTO DE BILBAO
CONTABILIDAD
Plaza Venezuela, 2- 2ª planta
48001 BILBAO
Tfno: 94 420 46 89

Email: contabilidad@bilbao.eus

Por el mismo medio puede ejercer los derechos de acceso, rectificación, cancelación y oposición sobre los datos personales incluidos en el citado registro

III. ERANSKINA

ERANTZUKIZUNPEKO ADIERAZPENA, DIRUZ LAGUNDU DAITEKEEN JARDUKETA-EREMUAREN GAINEN ERABILERA PUBLIKOKO ZORTASUNA EZARRI DELA AITORTZEN DUENA

Ordez kariaren datu pertsonalak Datos de la persona representante	
Izen-abizenak Nombre y apellidos	
NANa edo IFZa DNI o NIF	

Jabe-erkidegoaren/ mankomunitatearen datuak (utzi bete gabe, baldin eta ez badu ezein erkidego ordezkatzan) Datos de la Comunidad propietaria/mancomunidad (dejar en blanco, si no representa a ninguna Comunidad)	
Jabe-erkidegoaren/ mankomunitatearen izena Nombre de la Comunidad/mancomunidad	
IFZa NIF	

- **ADIERAZTEN DUT** laguntzaren hartzaile den pertsona fisikoak edo juridikoak berariaz aitortzen duela jarduera-eremuari erabilera publikoko zortasuna ezarri zaiola eta ondasun eta eskubideen udal-inbentarioan hala jasotzea, hala badagokio, jabe-erkidegoen erabaki baliodunetan jasota dagoela.
- **DECLARO** que la persona física o jurídica destinataria de la ayuda reconoce expresamente la imposición de la servidumbre de uso público sobre el ámbito de actuación, constanding el acuerdo válido de las comunidades propietarias, en su caso.

Bilbon, 20__ (e)ko ____ (a)ren __ (e)(a)n Bilbao, ____ de ____ de 20__
Sinadura / Firma: